



**Geschichte der geistlichen Stiftungen, der adlichen
Familien, so wie der Städte und Burgen der Mark
Brandenburg**

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1860

IX. Das Kloster Reetz macht dem Kloster Marienwalde Zugeständnisse
wegen der Stauung des Ausflusses aus dem See Pritzen, am 10. August
1310.

Nutzungsbedingungen

[urn:nbn:de:hbz:466:1-55515](https://nbn-resolving.org/urn:nbn:de:hbz:466:1-55515)

VIII. Ludolph von Wedel schenkt zum Seelenheil seines Bruders Zulis die „Stowinge“, die aus dem See Prytzen kommt, dem Kloster Marienwalde, am 1. Mai 1308.

Vniuersis, ad quos presens scriptum peruenerit, Ludolphus, miles, dictus de Wedele, cum filiis nostris, et Haso, filius fratris nostri Zulis felicis memorie, cum fratribus suis, videlicet Betekino et Henningo salutem in vero et omnium saluatore. Ne ea, que in tempore geruntur, simul cum tempore excedant et a memoria hominum, que res est labilis et fragilis, euanescant, necesse est scriptis autenticis ea firmiter roborari. Hinc est, quod ad maiorem nostri facti notitiam et cautelam, notum esse volumus omnibus tam presentis temporis quam futuri, Quod nos Inundationem aque, que vulgariter dicitur Stowingé, que de nostro stagno quod Prytzen vocatur effluit et descendit, Ecclesie in Marienwalde donamus, Jure perenni precipue propter Deum et in remedium et salutem anime dicti fratris nostri Zulis, vniuersam viam Carnis ingressi, nec non nostrarum animarum nostrorum omniumque parentum, Conditione attamen hac adiuncta, vt dicta Inundatio nunc et in posterum nec eleuetur nec in aliquo deprimatur. Vt autem dicta nostra donatio Inundationis a nobis et nostris heredibus ac posteris, firma, stabilis et inuolabilis maneant ac jugiter perseueret, presens scriptum dicte ecclesie contulimus nostrorum sigillorum munimine communitum. Datum Anno domini M^o. CCC^o. VIII^o., kal. Maii in festo Philippi et Jacobi Apostolorum beatorum.

Aus dem Marienwalder Copialbuche. Fol. 112.

IX. Das Kloster Neetz macht dem Kloster Marienwalde Zugeständnisse wegen der Stauung des Ausflusses aus dem See Prytzen, am 10. August 1310.

Vniuersis Christi fidelibus presens scriptum visuris Heinricus, primus prepositus sine prouisor Sanctimonialium in Retze, Gertrudis, Abbatissa, Margareta, priorissa, et Margareta, Cellaria totusque ibidem Conuentus, salutem in omnium Saluatore. Cum ex Impotentia naturali et defectu animus humanus sit fragilis et labilis, singula singulatim memorie commendare, ut sine obliuione possit cuncta retinere; Necesse est ea, que in tempore geruntur ne a memoria hominum euanescant testimonio literarum roborari. Inde est, quod notum esse cupimus omnibus tam presentis temporis quam futuri, Quod venerabili patri, Domino Abbati in Marienwalde et conuentui suo Inundationem seu exaggerationem aquarum ex stagno Prytzen deriuantem et egredientem et per prata nostra, agros sine terminos nostros descendentem, In quantum iam dictos agros nostros, prata et terminos dicta Inundatio aggredit et attingit, predicto Domino Abbati et suo Conuentui, pro vt necesse habuerunt, eleuandi ac declinandi plenariam conferimus libertatem, Omni Impetitione, infestatione et contradictione per nos et nostros successores postposita et semota. Quam libertatem Inundationis prefatus dominus Abbas et suus Conuentus viginti quinque marcis leuium denariorum, nobis datis et receptis et ex integro perfolutis, sibi compararunt. Vt aut predicta Inundatio a no-

bis et nostris successoribus jugiter firma sit et stabilis, ac in perpetuum perseveret, Prefens scriptum conferri fecimus, Et nostri Sigilli munimine ac Abbatise seu Conventus eiusdem loci communiri. Testes huius sunt Bruningus, miles, dictus de Segeuelde, Joannes, plebanus in antiqua Plawe, Fredericus, plebanus in Mandelkou, Joannes, plebanus in Sarzit, et alii quam plures fidedigni. Datum Anno Incarnationis Christi M^o. CCC^o. X^o., in claustro Retze in die Laurentii Martyris et Leuite.

Aus dem Marienwalder Copialbuche. Fol. 112.

X. Ritter Hasso von Haselow räumt dem Kloster Marienwalde das ausschließende Recht der Stauung des Wassers der Seen Staritz und Cossin ein, am 15. August 1310.

In nomine domini Amen. Ego Hasso de Haselowe, miles, omnibus ad quos prefens scriptum defertur salutem. Actiones quas mundus ordinat et disponit sepe delet successus temporum, si non firmis literarum Characteribus muniantur, unde discretorum virorum peritia solet eas per literas eternare. Hinc est quod notum esse cupimus tam presentis temporis quam futuri, quod reuerendus dominus Abbas ordinis Cisterciensis in Marienwalde, totusque eiusdem loci conuentus a nobis suis denariis talem libertatem compararunt, Quod Inundationem, que vulgariter Stowinge dicitur, stagnorum ipsorum videlicet Cossin et Staritz, nostros terminos seu agros attingentem, libere et absque vlla Impetitione in perpetuum possidebunt, Nec nos siquidem, nec heredes, nec successores nostri seu quicumque possunt suboriri aliquod molendinum infra nostrum stagnum Bukow et iam dicta stagna struere debeamus nec quicquam, quod predictae inundationi stagnorum est aliquo modo impedibile vel nociuum. In huius ergo facti firmiorem memoriam presentia conscribi fecimus nostri sigilli munimine roborata. Testes vero huius rei sunt dominus Ludekinus Senior de Wedele, Dominus Thidericus de Hytzdorff, Dominus Anshelmus et Thydekinus, fratres, dicti Block, et alii quam plurimi satis digni. Datum Anno domini M^o. CCC^o. X^o. In die assumptionis virginis gloriose.

Aus dem Marienwalder Copialbuche. Fol. 81.